

## आकाशवाणी

खबरां श्रुति खजूरिया कोला,

Morning Dogri (NSD) Bulletin

06-02-2026

खास-खास खबरां:-

- प्रधानमंत्री नरेन्द्र मोदी हो'रें आखेया ऐ जे यूरोपीय संघ ते अमरीका कन्नै बपार समझौते मगरा दुनिया दा विश्वास वैश्विक स्थिरता लेई होर बदी गया ऐ।
- प्रधानमंत्री नरेन्द्र मोदी होर अज्ज "परीक्षा पे चर्चा" कार्यक्रम राएं मुख्य भरै दे विद्यार्थियों कन्नै गल्ल करगंन।
- गृहमंत्री अमित शाह होर अज्ज केन्द्र शासित प्रदेश जम्मू-कश्मीर च सुरक्षा स्थिति दा जायजा लैगंन ते ओह जम्मू च अगेत्री चौकियों दा दौरा लागंन।
- रिजर्व बैंक दो-मासिक मौद्रिक नीति समीक्षा दे फैसले दी अज्ज घोषणा करोग।
- रॉयल चैलेंजर्स बेंगलुरु नै वूमेन प्रीमियर लीग दा खिताब दिल्ली कैपिटल्स गी 6 विकट कन्नै हराइयै अपने नां कीता।

1. U-19 विश्व कप च अज्ज भारत दा मुकाबला इंग्लैंड कन्नै होगा।

<><><><><><>

PM -Reply RS

प्रधानमंत्री नरेन्द्र मोदी हो'रें विश्वास जताया ऐ जे भारत आलमी सतह पर मुकाबलेबाजी लेई पूरी चाल्ली तैयार ऐ ते नतीजाकुन नीतिगत सुधारें दे कन्नै पूरे आत्मविश्वास कन्नै त्रीऽ सभनें शा बड़ी अर्थबवस्था बनने दी दिशा च अगड़ा बधा'रदा ऐ। प्रधानमंत्री हो'रें आक्खेआ जे यूरोपीय संघ ते अमरीका कन्नै व्यापार समझौते मगरा दुनिया दा आत्मविश्वास होर बी बदी गेआ ऐ। उ'ने आक्खेआ जे भारत केई देशें दा भरोसेमंद सांझेदार ऐ कि जे एह विश्व कल्याण च भूमिका निभा'रदा ऐ ते वैश्विक मंचें पर विकासशील देशें दी इक सशक्त आवाज बनकर उभरेआ ऐ। उ'ने आक्खेआ जे सरकार सुधार, कारकरदगी ते सकारात्मक बदलावें दे नजरिये

कन्नै अग्गे बदा करदी ऐ ते देश हुन सुधारें दी बतै पर टुरी पेदा ऐ। प्रधानमंत्री होर कल राज्यसभा च राष्ट्रपति हुं'दे अभिभाशण पर धन्नवाद प्रस्ताऽ पर होई दी चर्चा दा परता देआ करदे हे। श्री मोदी हो'रें यूरोपीय संघ ते अमरीका सने कई देशें कन्नै होए दे बपार समझौतें बारै बचार सांझे करदे होई आखेआ जे भारत नै 9 देशें दे कन्नै बपार समझौतें गी खीरी रूप देई दित्ते दा ऐ ते हाल च गै यूरोपीय संघ दे 27 देशें कन्नै सभनें शा बड्डा समझौता बी कीता ऐ। उ'नें आखेआ जे देश नै इक मजबूत विनिर्माण तंत्र विकसित करियै अपने उद्यमियें दा समर्थन कीता ऐ। उ'नें आखेआ जे भारत च मौजूद युवा प्रतिभाएं दे कारण पूरी दुनिया अज्ज मेदें भरोची नजर कन्नै भारत बक्खी दिक्खा करदी ऐ। उ'नें आखेआ जे दुनिया बड़ी तेजिया कन्नै इक नमीं वैश्विक बवस्था बक्खी अगड़ी बधा करदी ऐ ते भारत कई देशें आस्तै इक भरोसेमंद भ्याल दे तौर पर उभरियै सामने आया ऐ। लोकसभा ने राष्ट्रपति हुं'दे अभिभाशण पर धन्नवाद प्रस्ताऽ गी ध्वनि मत कन्नै पास करी दित्ता ऐ। राष्ट्रपति द्रौपदी मुर्मु होरें पिच्छले म्हीने दी 28तरीक गी दौनें सदनें गी संबोधित कीता हा।

<><><><><><>

## PM –Priksha Pe Charcha

प्रधानमंत्री नरेंद्र मोदी अज्ज बडलै 10 बजे 'परीक्षा पे चर्चा' दे 9में संस्करण च देशै दे विद्यार्थियें कन्नै गल्लबात करडन। इस कार्यक्रम दा मकसद परीक्षा दे तनाव पर चर्चा करना ते इम्तेहानें गी इक उत्सव ते जीवन दे इक ज़रूरी हिस्से दे तौर पर मनाना ऐ। इस बरे परस्पर संवादात्मक सत्र देवमोगरा, कोयंबटूर, रायपुर, गुवाहाटी ते दिल्ली च प्रधानमंत्री आवास पर 'एग्जाम वॉरियर्स' कन्नै होडन। शिक्षा मंत्रालय नै दस्सेआ ऐ जे माईगाँव पोर्टल राएं इस कार्यक्रम आस्तै चार करोड़ 50 लक्ख थवा मते विद्यार्थियें, शिक्षकें ते अभिभावकें पंजीकरण कराया। एह कार्यक्रम दूरदर्शन, प्रधानमंत्री हुन्दे यूट्यूब चैनल ते शिक्षा मंत्रालय दे सोशल मीडिया प्लेटफॉर्म पर लाइवटेलीकास्ट कीता जाग। इसी वेक्स ओ.टी.टी, अमेजॉन

प्राइम वीडियो, जियो, जी-5, सोनी लिव ते स्पॉटीफाई सनें केंई ओ.टी.टी प्लेटफॉर्म पर बी प्रसारण कीता जाग। प्रधानमंत्री हुन्दे आस्सेआ शुरू कीते गेदे 'परीक्षा पे चर्चा' कार्यक्रम दा मकसद राष्ट्रीय शिक्षा नीति 2020-मूजब आत्मविश्वास, सकारात्मकता ते संपूर्ण कल्याण गी बढ़ावा देईऐ विद्यार्थियों दे परीक्षा दे अनुभव गी नमां रूप देना ऐ। एह पैहल हर बरे विद्यार्थियों, अभिभावकें ते शिक्षकें दी बददी हिस्सेदारी दे कन्नै इक राष्ट्रव्यापी ज- आंदोलन बनी गेई ऐ।

<><><><><><>

HM -JK

गृहमंत्री अमित शाह अज्ज जम्मू च सीमा सुरक्षा दी समीक्षा करडन। गृहमंत्री कल राती जम्मू पुजगंन। ओह सुरक्षा एजेंसियों ते प्रशासनिक अधिकारियों कन्नै मलाटी करडन ते समग्र कानून-व्यवस्था दी स्थिति दा जायजा लैने दे कन्नो-कन्नो मौजूदा विकास परियोजनाएं दी प्रगति दा बी आकलन करडन। गृहमंत्री अज्ज कठुआ जिले दे हीरानगर च अंतरराष्ट्रीय बन्ने दा दौरा करडन ते सीमा-पार घुसपैठ रोकने आस्तै सीमा सुरक्षा बल आस्सेआ कीते जा'रदे हीलें, इस कम्मे लेई लाए गेदे उपकरणें ते साजो-समेयान दा निरीक्षण करडन। श्री शाह बोबिया ते गुरनाम च सीमा सुरक्षा बल दी चौकियों दा दौरा करडन। गृहमंत्री शहीद सैनिकें दे परोआरें कन्नै जम्मू दे लोक भवन च मलाटी करिए नियुक्ति पत्र सौंपडन। सुरक्षा समीक्षा बैठक च जम्मू-कश्मीर दे उप-राज्यपाल मनोज सिन्हा, अर्ध-सैनिक बलें दे प्रमुख ते खुफिया एजेंसियों दे अधिकारी बी शामिल होंडन। गृह मंत्री कल श्रीनगर च बक्ख-बक्ख विकास परियोजनाएं दी शुरुआत करडन।

<><><><><><>

RBI- Policy

रिजर्व बैंक दो-मासिक मौद्रिक नीति समीक्षा दे फैसले दी अज्ज घोषणा करोगा। आर.बी.आई दे गवर्नर संजय मलहोत्रा हुंदी अध्यक्षता आली समीति नै बुधवारें भारतीय अर्थबवस्था, मुद्रा स्फीति ते होरनें आर्थिक पैहलुएं पर चर्चा शुरु कीती ही। ए माली बरे 2025-26 दी खीरी मौद्रिक नीति समीक्षा ऐ। रिजर्व बैंक नै पिच्छले बरे फरवरी च रैपो दर च 125 आधार अंके दी कीती ही। भारतीय स्टेट बैंक मुजब रैपो दर च कुसै चाली दे बदलाव दी संभावना नैई ऐ।

<><><><><><>

## CM- Budget

मुख्यमंत्री उमर अब्दुल्ला अज्ज विधानसभा च जम्मू-कश्मीर लेई ब'रे 2026-27 दा बजट पेश करगंन। विधानसभा दे कम्मकाज आली सूची मताबक- सदन दी बैठक बडुलै 10 बजे लग्गोघ ते सोआलें दे समें कन्नै सदन दी कार्रवाई शुरु होग। एहदे परैन्त मुख्यमंत्री होर खर्चे सरबन्धी सलाना माली ब्यौरा पेश करगंन ते बजट भाशष देगंन- जेहदे च ओह सरकार दियें माली प्राथमिकताएं ते विकास बाद्दे सरबन्धी रुपरेखा पर लौऽ पागंन। मुख्यमंत्री होर ब'रे 2025-26 लेई खर्चे सरबन्धी पूरक ब्यौरे बी सदन च पेश करगंन- जिंदे च ओह मजूदा माली ब'रे लेई बाद्दू खर्चे सरबन्धी जरुरतें उप्पर लौऽ पागंन।

<><><><><><>

## Shah- FNTA

केंद्र, नागालैंड सरकार ते पूर्वी नागालैंड पीपुल्स ऑर्गेनाइजेशन- ई.एन.पी.ओ. ने फ्रंटियर नागालैंड टेरिटोरियल अथॉरिटी- एफ.एन.टी.ए दे गठन लेई समझौते पर दस्तख्त करी दिते न। नमीं दिल्ली च गृह मंत्री अमित शाह हुं'दी मजूदगी च इस समझौते पर दस्तख्त कीते गो। नागालैंड दे मुख्यमंत्री नेफ्यू रियो बी इस मौके पर उत्थे मजूद हे। इस मौके उप्पर श्री शाह होरें आखेआ जे एह नागालैंड दे लोकें लेई इक ऐतिहासिक ध्याड़ा ऐ। उ'नें आखेआ जे सरकार ने प्रधानमंत्री नरेन्द्र मोदी हुं'दे नजरिये मूजब संघर्षमुक्त, हिंसामुक्त ते विकसित पूर्वोत्तर

आहली बक्खी इक गैहू अग्गे बधाई ऐ। गृह मंत्री होरें अपने मंत्रालय दे अधिकारियें दी सराहना करदे होई आखेआ जे उ'नें इस हल धोड़ी पुज्जने च नागालैंड सरकार ते ई.एन.पी.ओ मझाटै इक पुल आहला लेखा कम्म कीता ऐ। उ'नें ई.एन.पी.ओ दे लोके गी विश्वास दोआया जे सरकार पूर्वी नागालैंड दे विकास लेई अपना समर्थन बरोबर जारी रक्खग। तोआई, नागालैंड दे मुखमंत्री हो'रें आखेआ ऐ जे एह ऐतिहासिक समझौता सुशासन जकीनी बनाने दे प्रति सरकार दी वचनबद्धता गी दर्शादा ऐ ते राज्य दे सबनें खेत्तरे तगर पुज्जने दे जतनें गी जारी रक्खने दा सबूत बी ऐ। श्री शाह हो'रें आखेआ जे सरकार नै इस समझौते दे कन्नै इक संघर्षमुक्त, हिंसामुक्त ते विकसित पूर्वोत्तर आहली पेठा गैं बदाई ऐ- जेडी प्रधानमंत्री नरेन्द्र मोदी हुन्दे नजरिए दे मूजब ऐ।

<><><><><><>

## WPL cricket

रॉयल चैलेंजर्स बेंगलुरु नै विमेंस प्रीमियर लीग दा खिताब जीती लैता ऐ। कल फाइनल च, बेंगलुरु नै दिल्ली कैपिटल्स गी हराईऐ अपना दूआ खिताब जितेआ। दिल्ली कैपिटल्स नै पैहले बल्लेबाजी करदे होई तय 20 ओवरे च 203 रन्ज बनाए। रॉयल चैलेंजर्स बेंगलुरु नै दो गेंद बाकी रौहन्दे ते चार विकेट मुहाईए लक्ष्य हासिल करी लैता। कप्तान स्मृति मंधाना नै 87 ते जॉर्जिया वॉल नै नासी रन्ज बनाए। दिल्ली दी कप्तान जेमिमा रोड्रिग्स नै 57 रन बनाए। महिला प्रीमियर लीग दे लगातार चौथे फाइनल च दिल्ली कैपिटल्स दी एह चौथी हार ही। स्मृति मंधाना गी “प्लेयर ऑफ द मैच” ते गुजरात जायंट्स दी ऑलराउंडर सोफी डिवाइन गी “प्लेयर ऑफ द सीरीज” चुनेआ गया।

<><><><><><>

## U-19 Cricket Final

19बरे सोयां घट्ट उमरी दे क्रिकेट खडारिणं दी इक-रोजा टूर्नामेंट दे फाइनल च, जिम्बाब्वे च, अज्ज भारत दा मुक्काबला इंग्लैंड कन्नै होग। एह मैच भारतीय समे मूजब दपैहरी इक बजे सोयां खेडेडआ जाग। भारत नै सेमीफाइनल च अफगानिस्तान गी मात दिती ही। इंग्लैंड दी टीम मौजूदा चैम्पियन ऑस्ट्रेलिया गी हराईए फाइनल च पुज्जी गई ऐ। भारतीय टीम इस टूर्नामेंट च अजें तगर कोई बी मैच नई हारी ऐ। भारत एह टूर्नामेंट 5 बारी जीती चुके दा ऐ।

<><><><><><>